

## LÖG SAMTAKA UM KVENNALISTA

1. gr. Heiti Samtakanna er Samtök um Kvennalista. Mér eftir nefnd Kvennalistinn. Lögheimili og varnarþing er í Reykjavík.
2. gr. Markmið Kvennalistans er að:
  - a) auka áhrif kvenna í samfélaginu,
  - b) vekja umræðu um stöðu kvenna,
  - c) beita sér fyrir bættum kjörum kvenna,
  - d) stuðla að því að vaskuforði og reynsla kvenna verði nýtt í þágu betra þjóðfélags,
  - e) berjast fyrir heimi þar sem konur, karlar og börn standa jafnt að vígi, þar sem menning beggja kynja fær að njóta sín og kynferði hindrar engan í að sinna þeim störfum, sem hugur stendur til,
  - f) standa að baki fulltrúa Kvennalistans.
3. gr. Markmiðum þessum hyggst Kvennalistinn ná m.a. með því að fjölga öngum og bjóða fram til Alþingis.
4. gr. Kvennalistinn er opin og öllum sem styðja markmið hans, enda greiði þeir félagsgjöld. Allir fundir eru félögum opnir.
5. gr. Innan Kvennalistans starfa angar. Lögheimili og varnarþing þeirra eru kjördæmin. Séu fleiri en eitt lögsagnarumdæmi innan hvers kjördæmis ákveði hver angi heimili og varnarþing. Í stórum kjördæmum getur angi starfað í minni einingum. Innan Landssamtakanna koma þessar einingar fram sem einn angi.
6. gr. Landssamtök Kvennalistans skulu hafa framkvæmdarráð, sem skipað er konum úr öllum öngum.
7. gr. Innan Kvennalistans skal starfa þingráð.
8. gr. Endanleg ákvörðun í málefnum Kvennalistans er í höndum landsfundar. Á milli landsfunda skal hún vera í höndum félagsfunda anganna og þeirra á milli í höndum framkvæmdaráðs og þingráðs.
9. gr. Framkvæmsnefnd skal starfa innan hvers anga.
10. gr. Félagsfundir anganna kjósi tvær konur í landsfundarnefnd eigi síðar en þrem mánuðum fyrir landsfund. Landsfundarnefnd skal undirbúa og ákveða dagskrá landsfundar í samráði við framkvæmdarráð Kvennalistans.
11. gr. Landsfund skal halda fyrir 15. nóvember ár hvert. Einnig skal halda landsfund sé þess óskað af 1/3 hluta félaga.
12. gr. Landsfund skal boða bréflaga með minnst tveggja vikna fyrirvara.
13. gr. Reikningsár skal vera frá 1. október til 30. september. Endurskoðaðir reikningar Kvennalistans skulu lagðir fram á landsfundi, einnig fjárhagsáætlun fyrir næsta ár og árgjald ákveðið í samræmi við hana.
14. gr. Landsfundur skal kjósa tvo endurskoðendur reikninga Landssamtakanna, sem starfa fram að næsta landsfundi.
15. gr. Í atkvæðagreiðslu á landsfundi ræður einfaldur meirihluti fundarmanna.
16. gr. Til þess að breyta lögum þessum þarf 2/3 hluta atkvæða á landsfundi.
17. gr. Lög þessi skulu endurskoðuð að ári.

Lög þessi öðlast gildi á Landsfundi Kvennalistans  
30. október 1983.



## STARFSREGLUR KVENNALISTANS

### I. Landssamtökin

1. Framkvæmdaráð skal skipað minnst 5 konum, einni úr hverjum anga, sem kosnar eru á félagsfundum anganna til 6 mánaða í senn. Kemur það saman eigi sjaldnar en tvisvar í mánuði og oftast ef þörf krefur. Ef angarnir eru færri en 5 tilnefnir fjölmennasti anginn aðra konu, ef enn vantar konu skipar næst fjölmennasti anginn fulltrúa og síðan koll af kolli, uns fullskipað er. Auk þess skal sitja í ráðinu ein kona úr framkvæmdanefnd hvers anga. Ekki skulu konur sitja lengur í framkvæmdaráði en eitt ár í senn.
2. Á félagsfundi í hverjum anga skal kjósa konu í framkvæmdaráð og eina til vara. Að 6 mánuðum liðnum taki varafulltrúi sæti aðalfulltrúa og verði þá kosinn nýr varafulltrúi. Nýtt framkvæmdaráð skal taka til starfa strax eftir landsfund.
3. A.m.k. ein þingkona skal sitja framkvæmdaráðsfundi.
4. Framkvæmdarráð skiptir með sér verkum á eftirfarandi hátt:
  - a) Tilnefni eina konu, sem situr þingráðsfundi a.m.k. til tveggja mánaða í senn.
  - b) Tilnefni eina konu í ákveðinn tíma, sem skipuleggur fundi ráðsins og sér um að ákvörðunum þess sé framfylgt.
  - c) Tilnefni eina konu, sem hefur umsjón með fjármálum Kvennalists.
5. Hlutverk framkvæmdaráðs er m.a. að:
  - a) Vinna að fjölgun anga.
  - b) Skipuleggja stórfundi og ráðstefnur.
  - c) Hafa yfirumsjón með fjármálum Kvennalists.
  - d) Hvetja til þess að bakhópar starfi og skipuleggja nýja hópa.
  - e) Tilnefna konur til að koma fram fyrir hönd Kvennalists í fjölmíðlum í samráði við þingráð.
  - f) Sjá um að bréfum og fjölmíðlum sé svarað.

### II. Útgáfumál

6. Innan Kvennalists skal starfa útgáfunefnd skipuð minnst einni konu út hverjum anga, sem kosin er á félagsfundi til 6 mánaða í senn.

### III. Þingráð

7. Fastir fulltrúar í þingráði eru þingkonur og varabíngkonur Kvennalists, ein kona úr framkvæmdaráði og ein kona úr framkvæmdanefnd hvers anga. Auk þeirra sitja í þingráði ein kona úr hverjum bakhóp.
8. Þingráð starfar í samræmi við stefnuskrá Kvennalists og stefnuyfirlýsingu landsfundar. Þingráð skal jafnframt vera stefnumótandi og ráðgefandi í einstökum málum. Það skal tilnefna konur í öll fulltrúastörf og nefndir í samráði við framkvæmdarráð á milli félagsfunda. Allar nefndir og fulltrúastörf skulu auglýstar í fréttabréfum anganna sé þess kostur.
9. Bakhópar skulu starfa í einstökum málaflokkum og koma með tillögur um stefnumótun til þingráðs.
10. Þingráðsfundir skulu haldnir að minnsta kosti tvisvar í mánuði og oftast ef þörf krefur. Þingkonur skulu kalla saman og undirbúa þingráðsfundi.

### IV. Angar

11. Framkvæmdanefnd skal starfa innan hvers anga. Hún hefur yfirumsjón með öllu starfi angans og annast fjármál hans. Nefndin skipti með sér störfum en tilnefni eina konu í þingráð og eina konu í framkvæmdaráð Kvennalists. Að öðru leyti móta þær starfshætti sína. Framkvæmdanefnd skal kosin á félagsfundi.
12. Á félagsfundi í hverjum anga skal kjósa konu í framkvæmdaráð. Sjá nánar í gr. 2 í starfsreglum.

### V. Starfsmaður - Húsnæði

13. Framkvæmdaráð Kvennalists ráði sér konu til starfa. Hún sjái um að framkvæma ákvarðanir framkvæmdaráðs, sem ekki er vísað annað.
14. Kvennalistinn hafi húsnæði til afnota fyrir starfsmann, þar sem sími er staðsettur. Húsnæði þetta skal vera miðstöð Kvennalists.
15. Rekstur húsnæðis, laun starfsmanns og annar sameiginlegur kostnaður greiðist af öngum í hlutfalli við félagatölu þeirra.

### VI. Almenn ákvæði

16. Til þess að breyta starfsreglum þessum þarf meirihluta atkvæða á landsfundi eða félagsfundum í öllum öngum.

